



**ՆՈՐԻՆ ՍՈՒՐԲ ՕԾՈՒԹՅՈՒՆ Տ.Տ. ՎԱԶԳԵՆ Ա. ԱՄԵՆԱՅՆ
ՀԱՅՈՑ ԿԱԹՈՂԻԿՈՍԻ ՈՒՂԵՐՁԸ ՀՌՈՄԵԱԿԱՆ ԿԱԹՈՂԻԿ
ԵԿԵՂԵՑՈՒ ՔԱՀԱՆԱՅԱՊԵՏ ՆՈՐԻՆ ՍՐԲՈՒԹՅՈՒՆ
ՀՈՎՀԱՆՆԵՍ-ՊՈՂՈՍ Բ ՊԱՊԻՆ՝ «ԽԱՂԱՂՈՒԹՅԱՆ
ԱՂՈԹՔԻ ՕՐ»-Ի ԱՌԻԹՈՎ**

ՈՒՂԵՐՁ ՀՌՈՍԻ ՊԱՊԻՆ

Ձերդ Սրբություն,

Հանուն Հայ Առաքելական Եկեղեցու, նրա բազմադարյան կենտրոն Սուրբ Էջմիածնից հղում եմ Ձերդ Սրբության իմ հարգալից սիրո ողջույնը և բարձր գնահատանքը Ձեր աստվածահաճո նախաձեռնության համար, մեծ աղոթող և սիրո առաքյալ Սուրբ Ասիսացու ծննդավայրում կապակերպելու քրիստոնեական Եկեղեցիների համատեղ աղոթք՝ վասն խաղաղության մեր օրերի փոթորկված երկրագնդի:

Իրոք այս տագնապալի ժամանակներին մեր հոգևորականներին ամենա-սեպուհ պարտականությունն է աղոթել ու գործել ի խնդիր աշխարհի մեծ ու փոքր ազգությունների խաղաղ գոյակցության:

Ես հույժ ողջունեմ եմ գտնում նաև ատոմական փորձարկումների դադարեցման և ընդհանուր պինդափման առաջարկությունները բազմաթիվ պետական պատասխանատու ղեկավարների, որոնք հանդես են գալիս իրենց հեղինակավոր խոսքով, որոնց ջարքին առաջին գծի վրա է գտնվում մեր երկրի, Սովետական Միության կառավարությունը:

Ես քաջ գիտակցում եմ անշուշտ, որ բացի խաղաղության հրամայակա-

նից մեր օրերի մարդկության առաջ դրված կան նաև այլ կենսական հարցեր, որոնք սպասում են իրենց լուծման, ինչպես զաղափարախոսական և քննարային հակամարտությունները, ազգամիջյան սուր թշնամանքներ, ցեղային խտրականությանց վատառողջ շարժումներ, մարդու իրավունքների հետ կապված հարցեր, որոնք սակայն կարող են լուծվել աստիճանաբար միջազգային ճիգերով, միմյալն խաղաղ ճանապարհներով, միայն պետությանց խաղաղ գործակցության պայմաններում:

Ես համոզված եմ, որ բոլոր դեպքերում արդարությունը հետապու միայն խաղաղությամբ կարելի կլինի իրականացնել: Ամեն տեսակ վերքեր կարելի պիտի լինի բուժել խաղաղ հոգու բախասանով: Ամեն տեսակ հարցեր արդարությամբ լուծելու հպրագույն գնքը՝ դա խաղաղության գնքն է:

Ավելի քան երեք ալժմեական է Հակովբոս առաքյալի խոսքը՝

«Պտուղ արդարութեան խաղաղութեամբ սերմանի այնոցիկ, որ առնեն վստղադուքին» (Հակովբոս առաքյալ Գ 18):

Մաղթում եմ, որ բոլորիս աղոթքները միատեղ ուղիղ բարձրանան դեպի կատարները երկնքի, մեր երկնավոր մարդաներ Հորից հայցելու՝ «յերկիր խաղաղութին և ի մարդիկ հաճութին»:

Իմ սույն ուղերձը Չերդ Սրբության բերում է իմ կողմից փափարված գերաշնորհ Ս. Ներսես արքեպիսկոպոս Պոպապալանը, որ Ասիայի արարողությանց ընթացքում կներկայացնի Հայ Առաքելական Եկեղեցին և Ամենայն Հայոց Կաթողիկոսությունը ի Սուրբ Էջմիածին:

Եղբայրական սիրո ողջագուրումով ի Քրիստոս՝

Տեր և Փրկիչ մեր՝

Վ Ա Ջ Գ Ե Ն Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,

6 հոկտեմբեր 1986 թ.

